

藏春集卷第二

目錄

七言律詩

歲暮有懷寄仲修崇舊三首

送鄉僧

寄友人四首

答友人留飲

會故人小飲

勸友人酒



爲友人解嘲

孤懷

客興

讀韓信傳

再讀杜詩

讀山谷詩

讀梁甫吟

秋江漁父圖

秋江晚景圖

竹林七賢圖

宋漢臣墨梅

梨花

竹

竹筍

月中桂

秋齋

太清宮

因張平章就對東坡海棠詩二首遂賦一首

因宋義甫宿香山寺

秋晚同友僧宿潞南山寺

宿山寺

聞宋義甫對竹引

宋義甫彈秋風

戲宋義甫

佳人

宿山中乾明寺

過居庸關

過野狐嶺

雞鳴山

桓撫道中

相州寄鄉中友人

大磧

秋日途中

丁未始還邢臺三首

新春有懷

春日園中

春日寄友二首

正月十三日得鄉官書

二月寄鄉友

春日遣懷

春晴曉望二首

溪亭小飲

秋晚

寄友

荅隘客

荅鄉友

倚樓

花時客至

歲暮遣懷

遣懷寄顏仲復二首

寓桓州

思歸

山居曉起

晚遊

歸來

樓上

春暮有感

睡起

捲簾

遣懷

銀河

大理途中寄竇侍講先生二首

重看江上梅花

寄張平章仲一

野園會飲

暮春樓上

謾成

小飲

別友

寄友弟

思友人

田家

漁父

回秋

贈棲雲王真人

再觀木菴書

臨蒼頡書

重九復作

聞雁

過井州

自澤州過懷衛

對酒

贈藁城董萬戶

感事

贈完顏伯誠甫

對菊

對月

過鹽州

四月望日途中大風

過天井關

關外感秋二首

宜陽道中

龍德城上

六盤會仲一飲

宿河西沙院

春興五首

醉中作二首

以上四本卷三止

藏春集卷第二

七言律詩

歲暮有懷寄仲脩崇舊三首

歲暮嚴風曉夜寒老烟蒼色滿關山騷人思和陽春曲
遠客賡歌行路難美酒欲期千日醉浮生誰得百年閑
揚州解合週遭樹清淡梅花也屬官

歲寒親友淡相陪助發詩程舉兩杯情與古人千里合
夢隨隣笛一聲回虛心立節霜秋竹瘦影橫窻月夜梅

元

劉秉忠

著

天意漸迴人莫測龍蛇飛動待春雷
蹤跡飄零事願違上平親舊總披離同人憂樂猶難易
與世浮沉果是非寒雪自應隨臘盡菁莪何恨得春遲
玉京一望漫于海安待超然控鶴飛

送鄉僧

中年懷抱要寬和故友依依奈別何夢到家來殊不遠
情隨人去更還多龍岡雪盡回春色鴛水冰開漾月波
若遇相知問踪跡窮廬近日到沙陀

寄友人四首

閑裏詩書慰寂寥低垂絳帳謝塵囂心如秋月十分朗
病逐春水一向消陋巷顏淵貧且樂安車子貧富無驕
更堪萬丈頽波裏砥柱巍巍不動搖

親朋離闊往還稀十載天邊一雁飛北閨書人俱自獻
南山詩客與誰歸碧雲望久不成與青嶂夢殘還又非
明日桃花如爛錦且須攜酒賞春輝

悠悠離閩感中年我輩情鍾豈不然好景與時渾易過
可人和月只難圓五更殘夢鷄聲裏千里歸心鴈影前
漠北雲南空浪走今春又負杏花天

香滿檀心雪滿枝梨花開近海棠時隴西鸚鵡藏金
海底珊瑚絞鐵絲勁畫快心觀晉字清光在眼讀唐詩
功名富貴非吾事惟有幽人是所思

荅友人留飲

黃塵道路競拋梭不覺行年四十過世事逾多逾瑣細
人生漸老漸蹉跎愁城平却無遺址樂府開來有妙歌
桃李花間一壺酒君留不醉欲如何

會故人小飲

俗事長將樂事違小園今日偶成期喜君落筆題詩就

笑我停杯吸酒遲柳葉已將春雨展桃花猶待曉風吹
倚欄紅杏低无語底爲勞心蝶不知

勸友人酒

西風落葉共蕭颯百感中來不自由豪客空攜鐵如意
舞環徒費錦纏頭曳過雨脚雲歸岫湧出山頭月滿樓
一曲清歌一盃酒爲君洗盡古今愁

爲友人解嘲

德益休休僞益勞泰山不重亦毫毛九成豈脫試金石
一割雞同切玉刀繫日絕頭宜自頓拏雲手段任他高

元龍骨化墳中土誰是中州第一豪

孤懷

孤懷懶與世浮沉哀樂中年白髮侵射隼高墉猶可待
亡羊歧路定難尋鏡明惟解照人西天曲不能量我心
流水高山無盡意伯牙指下有知音

客興

關河牢落別離中到處題詩記轉蓬啼鳥不和春是客
落花還逐水流東雲開千里遠山碧樓映半溪殘照紅
雌蝶雄蜂不同類雙雙相趁舞迴風

讀韓信傳

將將將兵各有權碁家一著要爭先依平得路猶難保
弄險成功豈易全破趙有謀都一日假齊無分僅三年
良弓高鳥俱塵土贏得英雄一惘然

再讀杜詩

規矩方圓稱物施運斤風度見工師干霄氣象動高興
際海波濤生遠思三月聞韶忘肉味幾年疑郢和巴詞
騷人盡在清光裏却似中秋月滿時

讀山谷詩

清奇雅淡破工夫
句句冰霜字字珠
並舉鴻方上霄漢
相忘魚已得江湖
筆頭應有神靈助
言外全無翰墨拘
酒醒夢回秋氣爽
似看明月在蓬壺

讀梁甫吟

調高辭雅動知音
聲寂名存意愈深
千載有聞諸葛語
三人無愧晏公心
稱賢未必皆能肖
吊古何嘗不在今
荷得鋤歸茅屋底
一篇梁甫更誰吟

秋江漁父圖

白蘋紅蓼滿滄洲
江上青峰倒玉樓
出沒不拘同水鴨
往來無繫伴沙鷗
烟波圍繞幾漁舍
天地橫斜一釣舟
蓑笠為渠相蓋管
瀟瀟風雨不勝秋

秋江晚景圖

落葉縱橫不自休
抹成小景絕清幽
碧波千里楚山曉
紅葉一林荆樹秋
古渡任分南北岸
長棹自送往來舟
十年間事漫如昨
對此依稀復舊遊

竹林七賢圖

螳螂怒臂大車前
禮樂蕭條幾百年
蘭省久無三老貴
竹林徒有七人賢
忘形到底為形累
嗜酒尋常被酒顛

何似公何月臺上一聲長嘯裂秋烟

宋漢臣墨梅

體盡江村雅淡情秋來紙上照人清
枝稍欲向風中動根幹原從筆下生
幾簇芳英雪粧點一彎新月玉斜橫
花先不死西湖見也索驚嗟問姓名

梨花

玉骨冰姿映曉光露盈檀蕊洗新粧
夭桃艷杏果誰賞雌蝶雄蜂空自忙
仙桂是高寧有種海棠雖美却無香
司花護惜花長好莫遣東風取次狂

竹

幾竿蒼翠抵千金對鼓焦桐意更深
雙淚洒時勻作點七賢居處密成陰
飛霜著葉不改色流水激根還有音
我似此君君似我枝枝節節本無心

竹筍

亭亭瘦玉倚疎籬日久摩抄恐長遲
立節未能森似束出頭休若銳如錐
共言愛物終成癖不道忘情却近痴
料得此君霜雪後虚心定有子猷知

月中桂

丹皮翠葉寶花鮮深同靈根不記年老穎共爲天上物
嫦娥同有月中緣蓬萊仙裏紅瑤州太白峰頭白玉蓮
安得移來都一處醉看光彩照詩仙

秋齋

蕭蕭落葉打窗櫺夢覺幽齋熟睡僧萬里西風揚鷺鳥
半窗烘日聚痴蠅物華老盡只秋健天運幹迴非力能
且倒芳尊煖和氣門前物態冷如冰

太清宫

一簪鶴髮瑩童顏喬木森森古殿寒自駕白雲還帝闕
不傳紫氣映函關五千道德留真誥八百工夫鍊大丹
地老天荒無覓處猶龍那復落人間

因張平章就對東坡海棠詩二首遂賦一首

一種奇花貌海棠十分顏色豈酒香兩中有淚真傾臥
月下無言更斷腸不待金盤薦華屋高燒銀燭照紅粧
少陵避諱將佳句留與眉山蘇二郎

因宋義甫宿香山寺

摩空削出碧芙蓉繾綣香山一帶峰野樹去年曾繫馬
閑雲今日復從龍玉鉤三寸月沉水琴調數聲風入松

清徹夢魂眠不得覺來那假曉樓鐘

秋晚同友僧宿潞南山寺

集林倦鳥已成棲石磴連沙澁馬蹄晚寺共攜明月入
寒岩誰聽猿啼愁行十里九盤路夢斷五更三唱鷄
聲利不關陶靖節黃花零落醉如泥

宿山寺

是非不到石壇邊物外閑人第二仙赤羽林梢映斜日
白虹山半駕飛泉客來總是尋僧話猿去多應伴鶴眠
一曲清歌古松下且依勝境謝塵緣

聞宋義甫對竹引

高情遠韻無凝滯發作聲音指下彈王調未曾終一曲
朱弦何故疊三歎優游似道虛心易感歎如云立節難
昨夜綠筠亭下醉正同風雨夢珊珊

宋義甫彈秋風

窮廬悄悄夜漫漫午醉醒來坐席寒富貴有媒皆豹變
功名無分獨螭蟠子陵實愧三公爵靖節非輕一縣官
高捲瓊簾對明月秋風一曲入琴彈

戲宋義甫

香飄庭院牡丹妍，荷貼池塘小翠圓。
生物不知春又老，照人還愛月無偏。
黃塵道路嗟遊子，紫陌烟光誤少年。
欲著儒冠替僧帽，而今直得幾文錢。

佳人

錦心綉口性瀟閑，學海波瀾挹不乾。
奇語八篇傳欲滿，陽春一曲和皆難。
佩蘭襲襲生風韻，偎玉溫溫辟雪寒。
別後佳人渺何許，倚樓空咏碧雲端。

宿山中乾明寺

客散關門厭事譁，爐香滿屋臥烟霞。
人辭故里凡三載，僧到伽藍自一家。
夢破小窗浮月色，漏殘寒角奏梅花。
天明又上潯陽道，鴛水歸程漸有涯。

過居庸關

車箱來往若流泉，絕壁巉岩倚翠烟。
限破中州四十里，鑿開大路幾千年。
函關不謂平如地，蜀道無知險似天。
萬里揮鞭猶咫尺，誰能掌上保幽燕。

過野狐嶺

一夜陰雲風鼓開，嶺頭凝望動吟懷。
烟分雲阜相高下，日出羶車競往來。
天定更無人可勝，智囊還有力能排。

中原保鄣長安道西北天高控九垓

雞鳴山

俛瞰灑陽小洛城一川山色萬家屏翠環有第雲初合
碧玉無瑕雨乍晴岩穴直通天地氣峰巒平揖斗牛星
野僧不管人間事臥聽洋河聒耳聲

桓撫道中

老烟蒼色北風寒驛馬趨程不敢閑一寸丹心塵土裏
兩年塵迹撫桓間曉看太白配殘月暮送孤雲還故山
要趁新春賀正去鬚頭能不愧朝班

相州寄鄉中友

青山四合路縱橫解轡烏桓古塞城五載轉蓬離故地
幾時促席話平生傳雲靄靄落春雪明月輝輝開晚晴
適意寧無一樽酒渴塵難洗為誰傾

大磧

漫川沙石地枯乾入夏無青雨路慳人馬數程飢渴裏
風程一月往還間側橫鰲背登高地淡掃蛾眉見遠山
安得司春生物訣桑田也是海東灣

秋日途中

半紙功名滿地愁都教白了少年頭
早應未拜曹參相終不當封李廣侯
曲水亂山紅樹晚西風殘照白雲秋
歸鴉一片投林去自笑勞生未解休

丁未始還邢臺 三首

十年朔漢到鄉城里巷傳聞喜復驚
老者相看更相會小童爭拜又爭迎
忘懷不講世俗禮無外始知鄉黨情
向日垂髫皆冠帶旋通小字始知名
布袍抖擻客途塵問里歸來感慨頻
一代衣冠風又變千年城郭物還新
黃耆總作墓中鬼街巷半居鄉外人

精舍東邊存舊宅眼前渾不識比隣
清明左側上歸鞍急到邢臺六月間
萬里春風吹綠鬢一城和氣煖朱顏
昔年林下閒為貴今日鄉中貴是閑
布衲藍衫人調笑如何不著錦衣還

新春有懷

笛聲吹落小溪梅寅位還看斗建迴
蟄物得春當出地阿香貪睡不推雷
百年囊裏詩千首萬事花前酒一杯
別後故園桃李樹他年寧肯重栽培

春日園中

人生難預定行藏且著閑吟寄醉鄉
還有江湖供酒杓
豈無珠玉入詩囊
春風花發蜂兒鬧
細雨泥融燕子忙
一架酴蘂開較晚
海棠雖好惜無香

春日寄友 二首

東風吹夢入家頻
夢覺來時總不真
處士固知為贅物
還山終欲作閑人
漁樵有話同誰說
花柳無情各自春
一曲高歌一杯酒
江邊醒客莫相嗔

暖過新春料峭寒
寒鴉欲逐曉風還
萬千世事回頭後
四十流年倒指間
白酒有時長可醉
青山無處不堪閑

功名到底誰能了
贏得勞生鬢早斑

正月十三日得鄉官書

浮雲流水不相依
時止時行各自知
萬事至天無不樂
一心于道有何疑
漢邊楊柳飛花早
海外蟠桃結子遲
一樹甘棠方破夢
東風應著好風吹

二月寄鄉友

漠北燕南九日程
雁來人去總飄零
春陰將散好風至
野燒漸空芳草生
橋下洞環鴛水綠
城頭突兀鵲山青
此情擬託新詩遣
寫就新詩轉繫情

春日遣懷

蓋世功名一局碁千年城郭昔人非
分開春色花休妬
流盡年光水不知
詩酒可娛惟自得
林泉雖好幾人歸
長繩不繫天邊日
寄與東風且漫吹

春晴曉望

水漲池塘雨洗塵
際空樓閣倚闌人
星潛月落千山曉
日暖風和萬物春
何樹落花飄蕩遠
誰家飛燕往來頻
眼前盡是無聲句
却恐詩人道不真

成物心存一寸丹
行年半百鬢毛斑
鷓鴣春春期同列
猿鶴黯黯怪未還
懶性從來倦馳逐
鄙懷元不奈蕭閑
平生遊世東方朔
金馬門中是隱仙

溪亭小飲

亭前桃李水邊樓
與客攜壺慰倦遊
眼底誰知花嫵媚
人間惟有酒風流
情元易感千年任
愁不難消一醉休
傳與京華美年少
莫將白髮博封侯

秋晚

秋晚梧桐翠已殘
松風竹雨正珊珊
功名果是將人誤

懷抱惟除著酒寬一枕清風醒後覺滿軒明月臥中看
乾坤裏許元無事閑殺東山舊謝安

寄友

歸心搖蕩菊花期濁酒留連奈別離方外平生人事略
天邊九月雁書遲昨非今是翻然覺坎止流行斷不疑
却怪貴春無拄杖滿頭白髮盡相欺

荅隘客

坎蛙自蔽無餘地海若汪洋納百川士子行藏須達節
人生貴賤定由天翰林自不拘吟放御史誰曾管醉顛
萬事轉頭多是夢枉教愁擾轉頭前

荅鄉友

人生絳老覓菟裘白髮行藏獨倚樓南雁縱能傳尺素
西風不解送扁舟蒼山老樹烟波映零雨疎松水墨收
願偃旌旗舞干羽功名輸與玉關侯

倚樓

倚樓雨霽暑風涼滿眼西山晚翠長書傳紛紛自今古
漢唐豐豐有興亡一時王謝許方略萬世伊周合廟堂
致主澤民非我輩任人疑怪水雲鄉

花時客至

翠染新成楊柳絲紅粧爭簇海棠枝官身縱酒惟閑日
老眼看花勝少時好客一來深有幸曲卮滿勸不須辭
清明壯健相逢處莫負唐人七字詩

歲暮遣懷

白首何人望省郎青春無伴共還鄉采薇縱廣飢終疾
食肉非多智豈長半夜談天人寂寂明朝涉世事茫茫
雪消咫尺春來到擬對芳華醉幾場

遣懷寄顏仲復二首

名利場中名利兒寸心徒用惡尋思人才自有安排處
物理寧無否泰時縱量傾殘一壺酒暢情吟殺七言詩
詩成酒醉東風晚月照梨花第一枝
宋顏白髮任流年睥睨擲榆置兩邊皆醉皆醒人豈尔
一鳴一息物當然飛騰起處須從地智力窮通便到天
惟有無生話無盡何如緘口坐痴禪

寓桓州

百年行止料皆難今是昨非豹一斑辜負風心泉石畔
纍垂短髮縉紳間夢回枕上聞歸雁雨霽城中見遠山

三徑就荒松菊在人生底事不能閑

思歸

溪山幽境老情懷閑著漁磯與嘯臺陶穀果然無相分
翰林都道有仙才塵容俗狀今如此綠鬢朱顏安在哉
會向桃源訪消息武陵洞口没人來

山居曉起

禪客生涯貴寂寥幸居山寺遠塵囂情難斷處千年在
心肯閑來萬事消新月看殘還舊月今朝過了任明朝
須知元氣常流轉平旦無風自海潮

晚遊

山水清佳自在遊利名莫莫復休休瘦筇此日真忘世
長笛何人效倚樓鴉落點成千樹墨雁飛橫絕一天秋
歸來小院松梢上新月低斜玉一鉤

歸來

昨非今是悔漫漫蜀道客吾曳杖還數友偶成詩酒會
一年不入縉紳班風吹柳葉先舒皺春窘桃花亦破慳
但得樽前開笑口未為辜負此生閑

樓上

睡起重持金曲卮要憑芳酒緩離思醉魂屢作還山夢
吟興多因寄友詩千里波光風定後一樓山月雨晴時
碧雲望斷佳人遠投樹棲鴉已滿枝

春暮有感

殘花幾樹酒盈卮但願春歸 醉時楊柳隨風飄翡翠
海棠和雨滴胭脂半生不定猶飛梗諸事無能強賦詩
昨日溪邊閒倚杖水明如鏡鬢如絲

睡起

連歲馳驅萬里程碧台歌舞笑爭名山中猿鶴丹心在

塞上風烟白髮生對客倦談當世事向人難悉未歸情
雪花亂打西窗急總是芭蕉夜雨聲

捲簾

烟籠碧草繞迴溪水向東流日向西鴉隊落來和樹黑
雁行橫處與雲齊林中有物甜如蜜心上無愁醉似泥
蝸舍睡醒簾半捲遠山相擁翠環低

遣懷

世事茫茫今古同人生無奈落西東幾年羈旅雁聲裏
千里家鄉蝶夢中荷葉打殘秋夜雨菊花開盡曉晴風

淵明醉臥東籬下不管明朝酒盞空

銀河

一道銀河萬里橫遙看似接鳳凰城晴波不受微雲點
夜色還隨皓月明七夕橋成牛女會九秋霜降浪濤平
歸來試問乘槎客却到人間有幾程

大理途中寄竇侍講先生二首

昔聞名德仰高山近識高賢未敢攀富貴不求驚見擢
田園成趣喜歸閑一心止水常平湛萬事浮雲任往還
解把陽和涵養就不言春色滿人間

元氣勻將造化施自然閑雅貴天資只言世上無黃石
誰信人間有紫芝一見頓忘名利志劇談渾沒是非辭
別來萬里知安否時復臨風有所思

重看江上梅花

萬里縱橫戈戟中歲云暮矣遇芳叢江邊疎影斜斜月
天外幽香細細風初見一枝珠琲瑠再看滿樹雪玲瓏
無才不得西河自空對冰容駐玉驄

寄張平章仲一

春光滿眼酒盈樽難得同觀易見分秋氣著人涼似水

晚山和我淡如雲清歌月影簷頭轉殘夢鐘聲枕上聞
玄鳥欲歸黃鳥斷詩哦伐木正思君

野園會飲

都城不得縱蹉跎樂事還多僻處多酒裏薰陶成受用
胸中磊磊自消磨樹頭鳴鳥關關好花底春風淡淡和
一到醉鄉如洞府人間日月任飛梭

暮春樓上

松風竹雨夜珊珊睡起樓頭怯曉寒手裡酒杯隨接飲
眼前書冊懶拈看綠稠樹葉迷蝴蝶紅盡花枝放牡丹

欲覓春歸无处問滿城飛絮憑欄杆

謾成

上苑風光爛熳遊紫蘭黃菊各春秋一心不逐榮枯變
萬事寧為得失憂充塞乾坤惟道在傳通今古有書求
慣曾澤畔翱翔雉莫謂樊籠不自由

小飲

清歡媚景好光陰自古猶難况在今坐下人多年漸老
尊中酒滿興偏深將歌雪曲先傾耳疊泛霞杯足快心
百歲奔忙緣底事且拚一醉謝浮沉

別友

鸞鳳棲梧枳棘空車行步路有窮通
九秋霜落樹無綠
三月日迴花自紅物態莫驚時冷煖
人生還恨限西東
一盃酒盡陽關曲萬疊雲山入望中

寄友弟

一別陽關公曲危深秋節物動離思
蝶飛籬畔菊開後
雁滿江頭楓落時才大難為鸚鵡賦
情親易感鶴鴿詩
願將杜老真誠語寄謝悠悠世上兒

思友人

亂點蒼山壯地形西風白草動秋聲
幾條野水馬爭飲
一帶荒田人不耕蝸舍雁程隨處客
龍岡鴛水故園情
關河月底人千里一夜相思白髮生

田家

衡門晝掩絕蕭騷麤糲充腸體布袍
許汜壠頭甘自若
陳登樓上對誰豪有田何必懸金印
無情還須買寶刀
青帝布恩先畎畝穀生如草雨如膏

漁父

撥棹垂竿日日同藕花鼓了荻花鼓
朝雲暮雨閑身外

春水秋山醉眼中十里烟波明落日一聲漁笛響西風
紅塵不到孤舟上誰得江湖伴此翁

回秋

秋山橫掃翠眉低春事關情鶯更啼策杖欲尋佳境去
出門還被亂雲迷野花野艸同三月閑鷺閑鷗共一溪
鴻雁歸來北窗下人間如夢醉如泥

贈棲雲王真

壺內光風境界寬骨青髓綠發朱顏三生勘破人間夢
九轉燒成日裏丹崔馭不知天地潤鳳書還許水雲閑

隨緣應世元無事一片靈臺處處安

再觀木菴書

書法都歸篆意圓木菴別有華中天一家楷式由來妙
半世功名非偶然我欲窮源蒼頡上誰能得趣魯公前
鰲山成道寧無日更為挑燈續斷篇

臨蒼頡書

落魄心情與世疎人皆知癖不知愚平生專究伏羲易
漸老又臨蒼頡書但願自宗為法則不辭人笑費工夫
他年變盡龍蛇體更看飛雲滿太虛

重九復作

地雄西北帝王州一月登高未即休紅葉黃花空應節
暮山白草不勝秋寒風無意頻吹面破帽多情却戀頭
却遇鄉人來送酒淵明不醉復何愁

聞雁

織錦文章學不成更堪新句見詩名黃花未覺稍愁思
白酒良能解宿醒月裏關河家正遠樓頭鼓角夢初驚
尺書馬下還慵寄初動風前有雁聲

過井州

山川滿目翠戎圍流水悠悠雁北飛一枕黃梁新夢斷
千年華表昔人非烟霞有路迷芳草桃李無言對落暉
明日征鞍泊何處春光雖好亦思歸

自澤州過懷衛

濩澤南來過二州太行背復得兼 陷泥蹶馬十朝雨
落葉枯人九月秋白日悠悠又西轉黃河滾滾只東流
山林水竹行程裏是處都 畫扇頭

對酒

秋水澄澄照影孤百年逆旅轉蘧廬聊生莫問鳩為計

憶遠須憑雁寄書
北海鯨魚釣已重
中州麟鳳網猶疎
清愁萬丈千雲月
看酒澆來自破除

贈藁城董萬戶

老師曾酬報國心
遺君兄弟茂如林
荆花一院長生色
棠樹千年勿剪陰
私物應官於已薄
家童代役感民深
更設藥除群病回
境誰非播德音

感事

萬物茫茫體一如
只爭秉賦有精粗
若非禮義人誰教
又足詩書我更愚
蜂蠆亦能推猛士
廟堂安敢悔樵漁

愚夫愚婦予能勝
料必賢明見是圖

贈完顏伯誠甫

仲德之子也

春風秋月透孤房
恨殺闌畦窈窕娘
裙木君前空積思
散花天上不聞香
生民世系來千古
相國人家只一郎
安可斷流同潦水
合隨江漢入汪洋

對菊

啼殺前村樓后鴉
黑頭江總早還家
荆山玉定唯同石
麗水金元不在沙
誰有才猷資國用
自無勛業向人誇
滿城風雨重陽近
搖落歸心對菊花

對月

崔髮臨衰映月波
兔疑蟾戀竟如何
絕知詩老丹心
未信書生白眼多
半夜香風飄桂子
九秋寒色帶嫦娥
無人共竭樽中醪
獨酌清光送浩歌

過益州

山川紆曲際遐荒
萬國華夷入混茫
草木不生枯寂地
風雲長慘戰爭場
雨餘千嶂添秋色
塵定孤城下夕陽
感歎征人太辛苦
東山許就鬢毛蒼

四月望日途中大風

慘淡乾坤震鼓鼙
飛沙轉石捲雲霓
山川道路俱難辨
南北東西一向迷
聲浩浩時霾雨落
色蒼蒼處玉蟾低
四方力少猶吹蕩
催上征鞍驟馬蹄

過天井關

雲冷風高天井關
太行嶺上看何灣
九州占絕中原地
一壑攔迴左界山
王霸分爭固未捲
英雄鏖戰血猶殷
華陽春草年年綠
汗馬南來不敢閑

關外感秋二首

白露為霜陰始凝
挽回春律果誰能
只宜緘口人間事

未解忘情客裡僧黑水浪濤方括括南山氣象愈稜稜
草枯葉脫西風勁正看掀飛掣臂鷹

一岩幽隱幾時還猿雀蕭條蕙帳閑畫餅功名誰得飽
浮雲富貴此堪攀歸禽側畔千章木行客前頭萬疊山
不道世人無定分本圖何事鬢毛斑

宜陽道中

一架飛梁映霽紅三流道灌稻畦中烟雲忽鎖山川好
城郭新修市井空遠樹深深人出沒長空淡淡鳥西東
季鷹不憶尊驢美萬里秋風又轉蓬

龍德城上

風還攏麥棹青旗烟斂人家住翠微綠水欹殘山落落
碧雲望斷樹依依一封鄉里書纔到三月天涯客未歸
燕子銜將春色去遊蜂空趁落花飛

六盤會仲一飲

青雲自笑誤歸期回首關山滿別離禮樂詩書君自苦
東西南北我成癡碧梧一葉秋風起銀竹千林暮雨垂
塞下相逢一杯酒貴傾肝膽畧無疑

宿河西沙院

黃雲山外接黃埃歸路漫漫沒草萊馬上鸞弧皆尚勇
機頭錦織孰憐才星珠千顆散銀漢月鏡半圓橫玉臺
寂寞沙陀逢七夕西風蕭瑟夢中來

春興五首

花滿樽前酒滿卮春風桃李噴間時醉中忘却三生夢
醒後吟成七字詩大地豈無騏驎路高梧元有鳳凰枝
閑人不為功名鄙幽事相關未暇思

刊本此下四首
別為一繫但原
點已佚只存是
釘身

樹鎖蒼烟白鳥鳴春風花滿鳳凰城無才難料人間事
菊酒何求紙上名分別是非誰得五摩挲今古自宜平

閑愁枉壓眉頭重且放襟懷伴翅生

青樓歌舞碧城春王謝風流日鬪新洛下殘花猶殢客
墻間餘酒也狂人無田易佩蘇秦印有扇難遮庾亮塵
白晝錦衣多脾晚一鄜何處不安貧

三冬蟄物聽雷驚二月餘寒尚旅亭春色未歸桃李樹
劍光空射斗牛星待船客子思同濟沽酒人家竟獨醒
一曲滄浪洗烟雨汨羅江上楚山青

東君號令忽傳新一點陽和處處勻白玉花殘梅過臘
黃金條嫩柳回春雁離湘浦獨淹客鶯囀皇州已可人

睡枝海棠吹不醒
風前桃花看精神

醉中作二首

塵容俗狀走風埃
鐘鼎山林事兩來乖
千古興亡歸恍惚
一身行止懶編排
無才濟世當緘口
有酒盈樽且放懷
何日還山尋舊隱
瘦筇徧稱著芒鞋

南帆春秋雁往來
一年懷抱幾番開
風雲氣在元飄逸
錦繡詩成不剪裁
飲但飲人非飲酒
憐須憐德亦憐才
自因量窄常先醉
慚愧君家大篋臺

藏春集卷第二

此首刊本為
寄張平章仲一
之第二首